

508916

欽定剿平三省邪匪方略

正編

六十



欽定剿平三省邪匪方略正編卷一百三十 巳未年

十月二十二日

丁未

德楞泰奏言竊

臣

帶兵由大

市川山溝前進甫行十餘里據哨探兵勇拏送

賊匪賀顯達前來訊稱是藍號阮正隆營內大

掌櫃張什與李淑營內王姓合夥劄在木竹關

令其前來探聽高二師父信息當將該犯斬訖

臣

隨督率官兵飛速取道由五侯壩右手向木

竹關前進探得該匪率衆起營已向五侯壩一

路奔竄當令賽冲阿阿穆勒塔等帶兵由大路

迎頭剿殺

臣

督率温春車森保等帶兵向右手

小路繞出賊旁該匪等一見馬隊迎面而來卽

退據關前險要山包施放鎗礮抗拒山勢陡聳

路徑仄狹並擲石下擊適

臣

一路官兵繞出木

竹關之右手山梁壓下該匪不防官兵突出立

形潰亂殺賊七八十名賽冲阿阿穆勒塔等亦

率馬步兵丁並進兩面夾攻該匪進退無路拚

命向山塠石崖紛紛溜下十四道河奔黑風山

翻老林而遁乘勝追殺賊一百五六十名除滾

崖跌斃大小男婦及渙散者不計外生擒南路

偽總兵李兆探馬頭李必富二名拏獲胡心中

陳劉氏等三百五十四名口當令兵勇跟探訊

據李兆李必富等供稱係藍號阮正濠營裡人

因阮正濠被官兵打死有徒弟張什尙有千餘

人自行掛帥現在與李淑徒弟王姓合夥聽得

高二馬五冉添元張添倫辛聰龍紹周張世龍

等前後都來西鄉一帶要過漢江是以趕來不

想遇見官兵剿殺就被拏獲隨將該匪等脣割

並訊明所獲匪犯胡心中等二百八十七名難

民李應王任氏等六十七名分別辦理旋據差探回報該逆翻黑風山老林連夜向銅車壩一路折回查該處係通太平紫陽之路又另探稟報距營七八十里西鄉上高川紅廟子等處亦有賊匪約二三千人在彼屯聚焚掠查張什與王姓等餘賊折回向南逃遁而上高川紅廟子又在我軍之東遂由毛埡子趕抵下高川與上

高川相距三十餘里中隔一大山灣遙見該處

地勢稍平賊匪有住場市房屋者有搭蓋草棚

者並有舂米摘菜者零星遍野處處烟火正當

午爨卽令扎勒杭阿蒲尙佐等帶領步隊暗從

左右山梁分路而進臣督率賽冲阿阿穆勒塔

等帶領馬步隊由山灣大路跟溝直衝賊匪見

馬隊猝至驚慌亂逃左右山梁兩路步兵趕到

殺斃賊匪二百餘名生擒大頭目周吉鰲等一

百二十三名時場上溝庄又有老幼男婦關吉

英張周氏等跪哭投順者二百八十七名口兩

路兵馬直趨紅廟子該處所屯之賊聞上高川

被剿卽紛紛向九道拐山梁而逃迨官兵趕至

賊已上山放鎗抵敵並推亂石下擊官兵冒石

直上遠者鎗擊近者箭射賊愈慌急擁擠落崖

死者甚多賊衆見官兵遍地一由九道拐左手溜崖下山向羊溪河逃至老魚壩一由落拐溝走附子關而去官兵亦分三路追殺約又斃賊一百餘人生擒首逆唐大信之妻邱氏並黃有得等九十四名口搶獲旗幟烏鎗刀矛馬騾甚多訊據周吉鰲等供稱樊人傑唐大信合夥要過漢江前到黃官嶺被官兵截回要拔高均德

商量隨將該逆周吉鰲凌遲並將黃有德等分

別辦理其投出難民男婦關吉英等照例撫卹

歸業

臣

趕至江邊茶鎮扎營據哨探報稱防堵

堰口提臣王文雄營盤及西鄉縣城附近已有

數起賊匪到處焚掠官兵連日剿擊未退

臣

恐

王文雄兵單且縣城離江不遠稍有疎虞所關

非細是夜輕騎趕赴接應適慶成帶兵亦至賊

見兩路官兵卽翻南山而遁其時附近鄉村難

民老幼大小二三千人逃聚城外當令都司王

玉龍守備劉彪前往曉諭以臣帶兵數萬前來

已將高均德等生擒痛剿各股賊已遁入南山

爾等毋庸驚惶令各回家民心稍定查逆匪大

小股數雖多俱經各路官兵屢次剿敗見臣兵

至遁入南山分東西而逃當派幹練兵勇跟蹤

躡探嗣據拏獲落後賊匪周魁萬等四名逃出

難民竇文輝等二名僉供是張添倫辛聰龍紹

周張世龍等股賊匪前來滋掠伊等畏懼大兵

商量要回四川查漢中以東江水非船莫渡惟

長寨迤西至沔縣源頭一帶現值冬令水勢淺

涸業經督臣松筠佈置嚴密而臣帶兵又在沿

江一帶截剿各逆聞風斷不敢前來窺伺現在

賊蹤未定西鄉堰口亦關緊要慶成帶兵協同

王文雄暫行分駐扼其東竄之路臣卽帶兵西

向柳樹店一路隨時偵探俟各逆去向已定卽

趕緊剿辦必不致受其牽綴至營中軍火鉛丸
火繩弓箭因數月以來連次剿賊用盡無存一

經逼剿立需應用非隨營多帶萬難應手已飛

咨松筠飭局調取速解再高均德高二俱係候

首辦理要犯並首逆唐大信之妻邱氏已撥官兵護

送解交漢中府監禁再臣率領滿漢官兵節次

打仗均極奮勇內有爭先用命分外出力之侍

衛官兵以及鄉勇頭目又隨營支放糧餉及辦

理文移筆墨各文員隨臣奔馳三載從不稍辭

勞苦洵爲實心任事之員謹一併開列保奏如

蒙

聖恩分別獎賞各該員自必益加奮勉更於剿賊有

禪奏入

上命軍機大臣傳諭德楞泰曰德楞泰自擒獲高均

德後卽督率官兵趕赴木竹關攻剿張什及李淑

徒弟王姓一股賊匪皆有斬獲又親率鎮將截擊

西鄉上高川等處匪徒並因賊蹤未定恐王文雄

兵單德楞泰又趕赴應援所辦俱好至摺內稱阮

正澆被官兵打死後又有徒弟張什千餘人與李

淑徒弟王姓合夥可見首逆雖除餘黨未淨仍復

互相勾結此卽從前帶兵各員惟知注意首逆卽

可邀功不將餘匪辦淨之流弊又所稱下高川一

帶山灣地勢稍平賊匪有住場市房屋者有搭蓋

草棚並有舂米摘菜正當午爨者賊匪如果被官

兵緊躡安能從容栖止謀及舂爨等事是從前帶

兵大員等所奏不予賊以暇之語全不足信此時

有名賊首已漸次殲除總須擒一賊首卽將此股

之賊全數殄滅方可云剿淨一股不可因首逆旣

擒卽置餘黨於不問現在各股賊勢俱已窮蹙自

應於年內一律辦竣但不得因有年內成功之論

惟將各賊首擒獲卽爲蕝事如有零星餘匪四散

逃匿必當逐一搜捕淨盡不可稍留餘孽卽稍緩

一兩月全行肅清亦不爲遲也再張添倫等股現
俱欲回川境德楞泰非陝西守土之臣當隨賊所
向上緊追剿其漢江一帶上游現當水涸之時恐
賊偷渡交王文雄柯藩慶溥在彼防守以專責成
至營中需用弓箭軍火等項德楞泰已飛咨松筠
辦給並著松筠卽飭局員趕辦速解又首逆高均
德前已有旨令解京處治其高二一犯現離何處

軍營較近卽在該處正法示衆唐大信之妻邱氏
係例應緣坐之犯卽著照例辦理

上諭內閣曰德楞泰奏查明生擒首逆高均德案內
並節次打仗實在出力滿漢員弁兵丁懇請陞賞
該官兵等齊心協力奮勇効命屢次克捷實屬可
嘉著照所請乾清門三等待衛車森保三等待衛
慶成均著陞授二等待衛親軍校希拉布着陞授

三等侍衛健銳營額外前鋒校克什布著陞授藍

翎侍衛吉林驍騎校札呼岱著賞給綽克托依巴

圖魯各號黑龍江總管遜多保著賞給騰奇特依

巴圖魯各號佐領哈勒章扣著賞給楚魯巴圖魯

各號均著照例各賞銀一百兩吉林驍騎校獎賞

藍翎隆太黑龍江驍騎校獎賞藍翎布勒特均著

賞換花翎盛京防禦達明阿黑龍江雲騎尉塔木

哈圖均著賞戴花翎盛京領催倭赫吉林前鋒校

倭克精額領催武林德富精額前鋒佛保馬甲阿

必達瑚德黑龍江驍騎校索禮章領催拉克敦前

鋒伊勒棟阿馬甲蘇楠章嘉布荆州前鋒伊星阿

均著賞戴藍翎四川瀘州營都司王玉龍夔州協

右營守備汪澧俱准其賞換花翎其千總劉廷斌

等俱著賞戴藍翎至四川巫山縣知縣候補同知

直隸州鄒翰湖北候補知縣徐如灝據稱隨營三載辦理奏報文移及審訊案件毫無貽悞除照所請賞戴藍翎外著加恩遇有各該省缺出先儘補用

二十三日 戊申 魁倫奏言查額勒登保數月以來

在廣元南江通江巴縣一帶追剿各股賊匪俱

係川北地方 臣 到達州後恐所撥後起晉餉解

到保寧有需時日當卽飭令達州局先撥銀三

萬兩解赴額勒登保軍營并飛飭廣元縣截留

後起晉餉二萬兩保寧府截留五萬兩俱令其

妥爲存貯以備額勒登保一路軍營就近動撥

並恐隨營支放糧餉從前所派之知州崔特峯

等官職較小呼應不靈復派川北道李鋌前往

總理糧務督率該知州等妥爲經理並聞額勒

登保帶兵剿賊俱在深山老林中行走每因糧

米不能趕到經糧員等購買包穀雜糧添補支

放以濟兵食

臣

心甚爲焦急當飭該道就近查

催設法趕運茲據該道稟稱官兵緊追賊匪每

日行走一百數十餘里官兵所到之處卽係賊

匪奔竄之地各州縣夫騾糧運或因賊匪阻隔

繞道前進或因移營迅速跟運不及以致軍糧

不能充裕現在經畧派委巴州知州常發祥隨
營長運該道卽飭委該知州僱募長騾五百頭
每頭每月僱價銀九兩七錢隨營輪流跟運以

期迅速毋悞

臣

查兵丁隨營長騾一項前經勒

保福寧具奏奉部議駁飭令仍照定例除跟役
餘丁外每百名祇給隨營長夫二十名是不應
再有長騾名目惟兵進糧隨現在各路軍營督

兵剿賊俱出深林密箐中日行數十里若專恃

各州縣台站於聞信後運送兵糧勢難隨兵趕

到必須隨營帶有數日之糧方可濟用且兵丁

等各有隨帶器械藥鉛沿途遇賊卽須打仗其

跟役餘丁人等尙不敷搬運軍裝行李之用未

便再令裹帶口糧是隨營馱運糧米以目前事

勢而論實不能不用長騾第每月雇價銀九兩

七錢不特與例未符卽核之勒保等所奏每頭

九兩之數尚有浮多恐滋冒濫

臣

現飭各司道

確核具覆再行奏明請

旨定奪以便一律遵行至德楞泰一路官兵餉項

臣

抵達州時雖據局員稟稱先由該局撥去銀四

萬兩恐尙不敷復飭令於新到晉餉內撥出五

萬兩解赴夔州一帶接濟旋聞德楞泰所帶官

兵已由陝境折回川省太平縣地界夔州距太平縣較遠若令截回改道轉輸未免遲緩多糜運脚是以又從達州局另撥銀五萬兩由東鄉至太平一帶解交將前撥五萬兩卽貯夔州府庫備撥其許文謨褚大榮一路官兵已撥銀一萬兩七十五朱射斗一路官兵除在夔州開縣陸續支撥外現復兩次撥銀一萬六千兩均足

支用各路兵米臣節次嚴飭臺站州縣趕緊運

供尙能源源接續惟太平一路尙由達州東鄉

轉運前因後河一帶素爲賊匪往來熟徑各股

竄匪被剿情急卽由此路奔逃時有搶米戕官

之事刻下德楞泰一路官兵旣由城口入川卽

須太平運供兵米且七十五朱射斗許文謨等

所帶之兵俱相距該縣不遠雖現據糧員等稟

報分投趕運但該縣存貯之米日用日少全賴
後路轉輸查後路之羅文壩至太平縣城道路
綿長此時似須酌撥官兵在彼分駐來往疏通
不特運道可以暢行且可堵賊奔竄之路

臣因

達州之兵已撥護德楞泰一路兵餉前去其營
山及興黨高寺等寨留駐官兵尙須接護京餉
已咨商額勒登保酌量派兵赴羅文壩一帶防

護運道

臣

仍督率各站員設法僦運以裕供支

再現屆冬令各官兵衣履等項均屬急需先經

額勒登保檄飭達州局除川省官兵卽由各本

營就近製辦外其外省兵丁每兵借銀三兩以

資及時趕辦衣履仍分咨各該省照例繳還至

索倫吉林各兵需用棉衣由局代爲製辦德楞

泰一路亦一體由該局代製所需價值均於本

兵名下關支鹽菜內扣還歸款業經該局製辦

完竣派役分投解送俾三軍皆得挾纊奮勇倍

加至晉省所撥餉銀四十萬兩業經全數解到

分撥兌收廣興所押第一起京餉計日內可入

川境臣已派將弁兵丁前赴廣元之神宣驛迎

候接護道員劉清現已來至達州臣遵卽令該

員入局辦理糧餉事務連日與之悉心籌酌惟

期於撙節詳慎之中不致軍糧稍有貽悞奏入

上命軍機大臣傳諭魁倫曰軍營糧餉關係緊要自宜豫備接濟俾無缺乏但所稱隨營馱運糧米實不能不需用長騾現據委員僱募每月應需價銀九兩七錢等語長騾一項前據勒保福寧具奏業經部駁軍需一切款項俱有定例其例外開支之項自難准行况川陝皆係內地非苗疆及邊徼外

地可比辦理教匪一切軍需銷算前經諭令不應

照湖南苗疆之例報銷豈得以賊匪阻隔繞道行走跟運不及爲詞又欲將部駁之案復行瀆懇乎

且據魁倫所稱現僱長騾價值不特事係例外並較之勒保等每頭九兩之數轉有浮多自係辦理

糧運官員藉詞開銷以圖從中冒濫並爲彌補從前虧缺地步魁倫甫經到彼於該處情形未經諳

悉而秉性粗直恐不免爲屬員所愚此項長驪無論此時僱募較勒保等所定價值尙有浮多卽加

以核減比前節省亦屬例外之事設他處皆相率

效尤浮冒伊於何底所奏不准至節次撥解餉銀

魁倫於解到後惟當先儘隨征官兵緊要必需之

用俾各路軍營士飽馬騰打仗殺賊踴躍用命方

爲用之得當若將從前墊借各款先爲零星撥給

抵還則所餘餉項又至爲數無多一運軍營應給

口糧分例不能接濟充裕復形支絀川省前經撥

發餉銀二百萬兩嗣又准該署督所奏撥發銀二

百萬兩現在首逆就擒賊勢日蹙無難以次掃蕩

於年內一律蕝功可以無須多費魁倫務須實力

稽查加意搏節就現在解到餉銀四百萬兩實用

實銷酌籌緩急妥爲接濟此時各路軍營經朕嚴

行查辦之後自不敢仍前堤用餽送任意侵糜而
魁倫向能實心任事亦不疑其有他卽有不得不
通融籌辦之款總當於軍務告竣後奏明核辦切
不可輕信屬員之言稍滋冒濫也再節省軍需必
須先裁浮冗卽如各路兵丁內老病疲乏者甚多
於剿捕豈能得力與其留在營中徒糜糧餉莫若
令各回原伍省出無益之費以此鹽菜口糧接濟

壯健兵丁剿賊既可得力而餉項所省實多豈不
兩有裨益此係目前所亟宜籌辦者魁倫卽當與
額勒登保咨會商酌分別去留所謂兵在精而不
在多更可期迅速蕝事也至魁倫所奏現屆冬令
官兵衣履等項均須添補先經額勒登保檄飭達
州局除川省官兵卽由本營製辦外其外省兵丁
每兵借銀趕辦仍分咨各該省照例扣還至吉林

索倫各兵卽由局代爲製辦均于本兵名下鹽菜
內扣還所辦殊屬兩歧外省兵丁借給之項旣分
咨各該省照例扣還而於吉林索倫各兵又令于
隨營應支鹽菜內扣還歸款則吉林索倫兵丁所
得分例無多豈不至枵腹從事自應照外省之例
一體咨明該處將軍等照例坐扣方足以昭畫一
而示體恤

二十四日巳酉伯麟奏言本年九月初八日

欽差工部尙書那彥成赴陝路過晉境與臣會晤以

軍營需馬孔亟囑令購辦馬一千匹速解陝省

臣以事關軍需不敢稍分畛域但當此軍營需

費浩繁未便因此請銷正項隨與藩司陳文緯

臬司李舟酌商此項購買馬價臣擬在本任養

廉項下動支節據兩司并在省道府稟懇分辦

當卽趕緊公同購買馬一千匹又添備餘馬二百匹派委員弁陸續解赴陝西潼關交收旋據委員稟報自九月二十五日起至十月初八日止已經全數解交潼關同知朱學濂接收轉解西安軍需局訖奏入

上諭內閣曰此次山西購辦陝省應用馬匹俱係該撫及司道府等捐廉購買現已全數解交陝西辦

理甚爲妥速伯麟陳文緯李舟俱著交部議敘所
有道府各員並著該撫查明咨部一體議敘

二十七日壬子魁倫奏言臣於本月初十日奉到

諭旨遵將指示各情節逐一向勒保詰問據勒保供
稱我於拏問後日夜自思實屬辜

恩負罪所有兵丁衣履不周竟用牛皮裹足雖因兵
丁無力添補分賞亦難徧給究係我不留心體

郵之故七月十二日接到倭什布來咨賊竄入
楚未經卽時具奏彼時糊塗見識只恐上煩

聖心而於

皇上宵旰勤勞勵精圖治至意不能仰體實屬罪無
可逭我子滿洲兵丁喧鬧生事不卽查明嚴辦
又不將訥音叅奏實是我姑息容隱總兵德齡
猝被賊害我不另派兵將前往接濟彼時雖因

詐文謨一路兵勇有八千餘人我營內得力將
官又早經分派各路前敵無人可以派往然究
竟是我拘泥辦理錯謬明亮恒瑞不聽調度我
未卽據實叅奏總之我識見拘泥不知振作種
種昏憤錯謬只求奏明

皇上將我從重治罪臣查勒保身任經畧于各路軍

情旣不能預爲籌畫又不將賊匪竄楚情形卽

時奏報其於喧鬧生事之滿洲兵丁不行嚴辦

又不將領隊之員叅劾姑息容隱以致軍紀不

明賊匪奔竄經年累月未能蕪功其種種昏憤

錯謬罷軟瞻徇之處已據供認不諱實屬上負

任使貽悞軍機未便以訊非故意遷延有心玩悞致

滋輕縱勒保應比照統兵將帥玩視軍務苟圖

安逸故意遷延不將定在情形具奏貽悞國事

者斬立決例擬斬立決謹將勒保解京候

旨勅部核議施行再臣此次來川勒保福寧等均已

知有查辦事件所有軍需局員呈出支發各賬

俱無二人侵漁實跡甚至日用食物勒保由養

廉給買福寧發現銀買辦亦皆毫無罅漏難保

無預爲抽換彌縫情弊臣前已奏明俟廣興到

日將隨帶司員派令接辦軍需局務方能得其

底裏廣興現尙未到臣謹遵節次所奉

諭旨先將勒保罪名審訊仍一面嚴密查訪勒保如

有牟利營私侵用餉銀情事一得實據立即馳

奏補叅至福寧仍俟會同廣興查明另行叅辦

奏人

上諭內閣日前因勒保自簡任經畧以來安坐達州
從未親自督兵惟將各路軍營情形每隔旬餘彙

報塞責遷延日久辦理毫無把握以致賊匪東奔
西竄官兵往來追剿迄無成功種種玩悞其罪甚
重是以特令魁倫馳往川省署理總督傳旨將勒
保革職拏問另授額勒登保爲經畧大臣彼時並
未將勒保家產查抄者祇因勒保尙無別項贓款
嗣經湖北查出軍需抵賬如明亮永保慶成鄂輝
等俱經得受餽送提用餉銀先後降旨查抄而勒

保在川於軍需項下查無侵用入已實據是以至
今總未籍其家產蓋查抄之事原所以儆貪墨若
身任大員賍私纍纍自當將其貲產入官以抵貪
婪之罪如並無犯賍事蹟卽另有別項罪名亦止
按例科其應得之罪此辦理之權衡非偏徇勒保
也本日據魁倫奏審訊勒保供情定擬罪名朕詳
加披閱如勒保並不留心體卹兵丁於喧鬧生事

之滿兵不卽查明嚴辦又不將領隊之訥音劾奏
總兵德齡被賊戕害時不卽派兵將前往接濟明
亮恒瑞不聽調度亦未據實叅劾而於接到倭什
布咨會有賊匪竄入楚境之事並不速行具奏傳
訊之下勒保轉以恐煩聖心爲詞此四字尤爲內
外臣工通弊殊不知朦混日久激成事端豈不更
煩聖心耶此皆勒保昏憤錯誤之罪今魁倫逐款

審訊明確將勒保問擬斬決實屬罪所應得惟勒保自春間委任經畧時朕曾有令其居中調度之旨彼時原以經畧大臣惟在決機制勝不責以衝鋒陷陣之事非令其安坐軍營不一親臨行陣也乃勒保半載以來昏愼糊塗錯會朕旨惟在達州附近地方劄營株守竟成一彙報軍情之員任闕寄者豈宜若此究念其係悞會前旨拘泥糊塗尙

可稍從末減且勒保總統軍務以來所有首逆王
三槐冷添祿冉文儔包正洪龔文玉等犯皆以次
就獲雖非勒保親往督拏然究係伊所派調與有
微功又前次剿辦貴州狝苗勒保一手辦竣會蒙
皇考加恩錫以封爵自平定後至今狝苗安靜無事其
功亦尙足錄斷不可泯勒保著從寬改爲應斬監
候魁倫接奉此旨將朕格外施恩之處向勒保宣

諭卽派委妥員將勒保解交刑部監禁並將辦理緣由通諭知之

上命軍機大臣傳諭魁倫曰勒保在川現據魁倫查無別項賍款但此事伊等早經得信難保無通同局員預爲掩飾彌縫抽換卷宗等弊魁倫仍當密訪嚴查如勒保有平利營私提用餉銀確據卽應據實劾叅不得因案情已定經朕從寬辦理卽查

有款蹟亦代爲銷弭不行陳奏倘實在查無劣蹟
魁倫亦不必有意搜求過爲刻覈也至福寧係專
辦軍需之員伊與宜綿英善係屬接手難保無侵
蝕入已情弊必須徹底清查究出確據此時廣興
業已抵川魁倫務須會同廣興遵照節次諭旨嚴
切究訊據實奏聞毋任稍有捏飾

二十九日

甲寅

額勒登保奏言查徐添德鮮大川

苟文明等股會合向分水嶺石窩場一帶逃竄

而王登廷一股亦在過口場相距不遠臣卽督

率官兵覓路分投兜截該匪等又復分股四散

亂竄臣趕至羅文壩提督七十五總兵許文護

兩路亦各躡探賊蹤帶兵追擊先後到來沿途

雖各有斬獲而未能痛剿臣查看各路官兵逐

日追賊其中強弱不等當將本營官兵與各路

所帶官兵畧加整集女爲搭配適據雲陽縣稟
報有張姓等小股賊一匪竄入該縣之大水田一
帶其是否係張子聰抑係張添倫未據具報確
鑿該處路近夔門誠恐又有滋蔓

臣

派七十五

率同李紹祖帶領兵勇六千餘名星夜取道前

往截剿務使賊匪不致東竄所有徐苟等股賊

匪先經

臣

派有阿哈保穆克登布等兜剿據報

已至固軍壩一帶設伏截住太平之路嗣總兵

朱射斗病愈趕來軍營該鎮素日帶兵尙屬勤

勉并派侍衛安祿帶馬隊官兵及鄉勇五千餘

人會同朱射斗由撮桐山一路橫出截殺臣卽

取道官渡前進以期三路截擊臣師近固軍壩

據阿哈保穆克登布等稟報追賊已至毛堙子

雲頂寺等處殺賊二百餘名生擒八十餘名訊

出頭目鮮仲元一名係鮮大川族弟據供此賊

賊匪鮮大川苟文明楊開甲均在其內並供徐

添德與王登廷因官兵追擊現向白沙河入台

山等處潛匿且稱鮮大川等商量要由開縣之

罐子山東竄當將從賊已久之犯概行正法附

近脇從之人仍行釋放臣恐該匪等竄至開縣

或與雲陽張姓之賊合在一處并知照七十五

等相機辦理又鮮苟等賊旣思東竄則七十五
所帶之兵尙覺稍單並飛飭安祿朱射斗等卽
帶兵勇速赴七十五一路合剿務期一律殲除
卽或一時不能淨盡亦必將該匪等仍行逼入
川北不得任其東竄其潛遁白沙河入台山之

徐添德王登廷等股狡譎已極亟宜痛剿現今

阿哈保穆克登布帶兵三千餘名爲一路

臣督

率楊遇春許文謨等帶兵四千餘名爲一路覓
道進剿務將此二股賊匪力加掃蕩再據探報
德楞泰已入西鄉剿賊該處賊匪如高二馬五
等股數尙多聞提督王文雄由新集一帶追截
樊人傑唐大信等又經折回西鄉是各匪未能
深入陝境一經德楞泰等追剿緊急又必折入

川中

臣

現在太平境內仍隨時偵探分兵爲兩

面夾擊之計總期得剿一股先滅一股至魁倫

欽奉

諭旨不必帶兵臣前派往之春寧及總兵百祥卽應

調回查春寧本屬曾經行陣帶兵自可得力臣

因勒保前有調派之兩金川屯兵四百五十名

將次可抵達州卽令帶赴軍營俟其不日到來

或令春寧隨同剿辦或酌分兵力令其自爲一

路臨時再爲酌定其總兵百祥原擬並調來營
緣各路官兵刻下應用之軍火糧餉俱藉達州
供運而自達州至太平五百餘里中間羅文壩
王家壩清花溪等處山路叢雜賊匪不時潛往
必須沿途擇要設卡防範前接魁倫來信商撥
官兵防禦卽以百祥酌帶兵一千餘名於此一
帶安設旣以捍衛轉運之路倘遇有零星竄匪

並可隨時截擊業已咨明魁倫就近指撥期於
得濟所有軍營帶兵節次打仗出力滿漢員弁
謹分繕清單呈

覽可否量予鼓勵之處出自

聖恩奏入

上命軍機大臣傳諭額勒登保曰鮮大川苟文明等
股賊匪欲由開縣東竄額勒登保派撥侍衛鎮將

分路兜截在毛壘子地方經阿哈保等追殺二百

餘人生擒八十餘名所辦尙好額勒登保恐該匪

等竄至開縣或與雲陽張姓之賊合夥而七十五

一路兵力稍單卽飭安祿朱射斗等帶領兵勇速

往會剿仍行逼入川北不令賊匪東竄所辦甚是

現在各股賊匪屢經官兵追擊惟思四路散竄額

勒登保總當督率各路帶兵官員將賊匪逼入川

北以便併力合剿易於集事其潛遁白沙河入台山之徐添德王登廷等股額勒登保已督同阿哈保穆克登布等分路進剿惟當倍加勉力將此二股速行掃蕩至達州太平一帶山路叢雜賊匪不時出沒而各路軍火糧餉俱由達州供應且爲軍營後路甚關緊要自應嚴密防禦額勒登保卽令白祥帶兵一千餘各在達州等處分駐現今賊勢

曰袁額勒登保一路兵數較多且又令春寧將原
調之兩金川屯兵帶赴軍營足資剿捕自可無藉
百祥所帶之兵今令安設達州一帶旣可以捍衛
運道防範後路遇有零星竄匪亦可隨時截擊所
辦甚爲得當額勒登保務當督率將弁奮力攻剿
將各股賊匪以次撲滅總期年內一律蕪功朕必
加之重賞也

上諭內閣曰額勒登保去軍營出力人員內二等待
衛噶達鼐著賞給庫奇特巴圖魯各號協領達斯
呼爾岱著賞給特穆爾巴圖魯各號仍照例各賞

銀一百兩黑龍江驍騎校伊爾庚阿額外驍騎校

索多爾凱均著賞換花翎黑龍江驍騎校富勒登

領催博特珠爾山馬甲業楚新保吉林額外驍騎

校色克精額馬甲舒通阿均著賞戴藍翎餘著照

所請行

三省都匪有等正編卷一百三十一

十一月朔三日

...

...

...

...

欽定剿平三省邪匪方略正編卷一百三十一

己未年

十一月初二日

丙辰

恒瑞奏言查逆首張漢潮李

潮業已殲擒餘匪仍分三股在大山密林內往

來潛竄

臣

正在三官廟迎風壩一帶截剿聞有

川省零匪竄入陝境擾及漢江南岸之法慈院

娘娘山等處並接那彥成來札恐賊匪偷渡漢

江令

臣

兼顧城固洋縣一帶江岸因趕至槐樹

關地方探聞王文雄已將川匪逼過西鄉之東
慶成又帶領撒拉爾回兵追往江岸已可無虞
並據探報張漢潮餘匪一股係賊目李得士毛
起忠二逆率領六七百人由五郎之四畝地沙
窩子一路向西北奔逃可逼棧道臣思川餉甫
入棧道且恐賊匪復行擾及甘境是以兼程由

毛坪華陽一帶趕緊抄截本月二十日趕至

郎壩抄出賊前探聞賊匪在大建溝等處屯聚
距二郎壩六十餘里當於是晚派叅將李天林
都司劉應魁等帶領兵勇七百名從小建溝前
進總兵觀祥副將九十等帶兵七百名由黃柏
園前進臣帶領巴圖魯侍衛江鼎巴彥泰等馬
兵三百名由天池山前進三路官兵俱於黎明
趕到該處四面均係深林大山溝內有民房數

十間賊匪正在起身一見官兵卽向密林紛紛
肆竄官兵分追入林殺賊一百二三十名擒獲

王正海等四十七名內被裹附從民人十三名

當卽釋放餘俱審明正法奪獲鎗矛旗幟等件

弁兵間有傷亡俟查明報部外餘匪俱由密林

內四散奔逃官兵現係步行搜捕如該匪會聚

一處轉向西奔總可抄截迎殺若仍東竄卽緊

躡追剿並聞那彥成已抵五郎東面兵多該匪
對斷不能遠竄查張漢潮餘黨雖不過一二十人
以但秦嶺迤南山勢重疊林箐深密賊匪易於潛
其逃官兵若僅跟追不特徒勞兵力且不能卽時
殲滅淨盡統俟與那彥成會晤時另行悉心籌
酌設法圍剿歲事奏入

上命軍機大臣傳諭那彥成恒瑞曰恒瑞奏張逆餘

匪由五郎向西北奔竄恒瑞帶領官兵分路追剿
雖斃賊一百餘名而餘匪仍由密林內四散奔逃
尙未剿淨向來各路軍營惟知擒拏首逆並未將
其夥黨悉數掃除以致散而復聚潛出滋擾今張
逆餘匪紛紛肆竄恒瑞正當乘其潰散之時速行
搜捕淨盡況據奏此股餘黨不過一二人今又
經官兵截殺自必更形窮蹙現在那彥成已抵五

郎一帶有盛京兵一千吉林兵一千皆係生力勁
旅聲勢壯盛務須會同熟商設法圍剿在陝境全
行撲滅勿令再有竄逃至川省竄匪已經王文雄
逼過西鄉之東那彥成恒瑞惟當將張逆餘匪先
行剿淨再往西鄉會剿川匪倘辦竣張逆餘匪後
西鄉竄匪俱已逼回川境陝省賊氛已遠那彥成
恒瑞卽當馳往川省與額勒登保會商應於何路

剿賊卽行帶兵奮擊務期於年內一律蕆事至那
彥成前此陛辭時曾經面奏若未與賊匪接仗其
尋常佈置情形不復敷衍具奏但伊自前月十四
日奏到籌辦張逆竄匪各摺後迄今已幾及二旬
未據續有奏報朕心甚爲懸盼看來那彥成自尙
未趕上賊匪接仗但現在如何設法兜圍截剿及
近日賊情究竟若何亦應將大概情形具摺陳奏

朕屢念軍務宵旰焦切那彥成寧不知之耶

初三日丁巳吳熊光奏言查吉林官兵一千名頭

起於初十日入安陽縣境二十日由閔鄉縣出

境隨後二三四起各間一日行走於二十六日

全往潼關所有沿途各站應付事宜均無貽悞

各官兵趨健奮勇沿站過行亦極安靜連日接

據探報德楞泰於西鄉一帶截剿賊匪屢得勝

仗生擒首逆高均德及賊目王臨高等斬獲甚
多又聞川逆徐添德在大寧地方亦被官兵生
擒各路軍威大振事機極爲順利現在那彥成
已由五郎統兵前往督剿各路帶兵將弁自必
倍加上緊可期迅速蕝事日下陝境餘氛未淨
而川省交界賊股尙多江水淺落踰渡堪虞邊

防未可稍懈

臣

仍赴靈寶盧氏沿邊一帶督率

鎮將嚴密巡防務期邊境寧謐奏入報

聞

初五日巳未那彥成台布奏言竊張漢潮餘匪分

爲三股在韭菜坪合夥竄向西南近日又分三

股折向東北均在五郎境內臣那彥成隨取道

鎮安之西過典司溝山梁行抵蒿坪河臣台布

亦趕到軍營會同帶兵至五郎境內之老關口

併將明亮之兵分派富成木騰額由桃園子五
郎河分路迎剿岱森保長春赴柴家關茨溝各
隘口堵截均在賊之東北東南一帶恒瑞於迤
風壩擒殺賊匪十數名沿途追剿前來卽令恒
瑞由二郎壩觀祥由華陽兼顧西南一帶其北
面峪口亦派兵勇駐守復飭綸布春由四畝地
至沙窩子趕緊逼剿賊匪知各路大兵逼近前

兩股賊匪又向北竄至蓋屋洋縣交界之秦嶺
後股賊匪亦卽折回綸布春兵至教場壩猝遇
後股賊匪自柴家關西溝內撲出綸布春親率
官兵奮力攻擊賊始敗退侍衛桑吉斯塔爾叅
將富永等由左首山梁壓下侍衛吹扎布定色
鼐等由右首山梁壓下追殺三十餘里殲賊一
百餘名生擒四十名賊匪於高山深箐向無路

處越過大山至焦溪河向西南奔竄此次打仗

綸布春等極爲奮勇所帶貴州官兵亦俱出力

所殺賊匪係照臣等傳知呈驗首級耳記並不

似從前虛報功級當已分別酌賞用示獎勵現

在察探賊蹤似欲由虢川竄入棧道前調之索

費英阿吉蘭泰未知會否入棧堵禦查恒瑞綸

布春兩路距賊較近隨令分投追躡臣等卽兼

程趕赴留壩相機策應合力兜剿伏查陝省軍務向來帶兵大員各爲一路不相統攝賊竄之處及官兵追剿地方彼此亦不關會若此路官兵躡蹤追賊他路官兵並不互爲援應以致賊匪乘隙竄避我兵日事奔馳數月不能遇賊今臣等酌量分派惟有相度事機或合或分隨時指派並令互相知照聲息相通庶賊至之地總

有官兵追及剿殺雖不能預定撲滅日期而漸
次殲除亦斷不致久稽時日至終南山內層巖
疊嶂綿亘一千數百里竟少平地兩山之間必
有一溪兩溪之源必有一嶺登山涉水小逕延
緣皆在溪邊嶺上十餘里內山口數處歧路卽
有數十處宛轉相通路逕又極險峻瀑泉噴濺
晴霽時亦多泥濘邇日天氣早寒處處已凝水

凌登頓陡滑每致人馬墜崖折傷跌斃必須下
馬步行之處每日總有十數里其石山林箐人
跡不到之處謂之老林賊匪善於奔走路徑又
極熟悉一遇官兵剿急攀緣逕上捷若猿猱頃
刻翻山他竄惟隨營鄉勇係生長山中之人尙
可追趕貴州廣東兵丁素善登山追賊亦甚趨
健其餘兵丁實有不能追及之勢計現在分派

各路兵丁共三千八百五十三名木騰額一路

原帶兵九百四十九名富成原帶兵一千五百

餘名恒瑞觀祥二路原帶兵三千四百八十四

名^臣等一路所帶滿漢兵一千九百二名除守

卡拏營各兵外戰兵計有一千餘名於路逕叢

雜之中剿此分合無定之賊惟在偵探明確多

分路數遇賊即擊從前所謂合圍夾攻之事多

非確實臣等身親閱歷斷不敢一字稍涉虛假

再前據柯藩稟報川匪竄至漁溪河腦涼風崖

等處距江岸不遠關係緊要臣恐該鎮兵力不

敷難於抵禦查近江地稍平行馬隊可以得力

已令副都統額爾亨額帶領

盛京兵一千名徑赴紫陽渡江會同柯藩剿辦

那彥成台布又奏言竊教匪滋事以來動用錢

集賢堂書目卷之三
糧至八千餘萬兩事閱四年迄未掃除若非地

方官貪圖辦理軍需裕橐肥已帶兵各員藉此

希圖沾潤何至若此其難臣朝夕籌酌欲求除

弊先杜弊源欲杜弊源先清弊藪伏查向來官

兵支領鹽菜口糧俱由辦理營伍處造冊行知

糧道照數支給不肖官吏無由冒銷立法本爲

盡善無如此次追捕教匪逐日移營糧臺亦無

定所往往倉卒分兵因造冊不及辦糧文員不
得官兵實數而又不能不卽時給發以致冒領

諸弊叢生

臣

台布前在西路軍營見由京派往

各官於肅州出口時俱計算程途給發糧單以
便沿途應付是以拓定新疆後官兵來往從無
冒濫等弊因再四熟商莫若仿照此法刊刻糧
單將派出鎮將等官及兵丁數目於調派時卽

於單內註明准其持往糧臺各按應得分例支給現在餘匪肆竄分撥官兵追剿有閱一二日

或一二百里卽與_臣等會合者應令按照路程

日期預支裹帶將來仍按日期扣算有無長支

短領接續發給該鎮將等亦各將支領數目出

具印領交存糧臺收執查對如此立定章程不

特官兵無從冒銷節省糜費實爲不少_臣那彥

成向未經歷此事前在西安省城時據副都統
扎克塔爾留心訪詢面告始知向來弊端多由
於此因思設法妥辦於軍務似有裨益

那彥成台布又奏言臣那彥成遵查明亮等前

奏三路圍住張漢潮因何復任竄逸並恒瑞未
經窮追藍號賊匪等事當傳到跟隨明亮打仗
之千總吳浩把總王登科隨營糧員張約及隨

恒瑞打仗之都司海進龍守備薛國相隔別詢
問據稱彼時所派三路官兵係屬堵截追剿並
非嚴密兜圍殺賊數目亦屬增多其所述野雞
溝達家莊打仗情形核對明亮等前奏大端尙
屬符合但吳浩等係屬明亮恒瑞軍營員弁所
言恐有迴護不足爲據應聽松筠確切覆查辦
理至賊匪由大山陡巖竄下係從三渡水地方

逸出並非明亮恒瑞與肇三人堵截之路訊之

明亮供亦相符惟據明亮稱三渡水距晒經寺

十餘里聞晒經寺地方有甘肅官兵駐守應請

勅下松筠就近查明具奏又恒瑞並不窮追藍號賊

匪輒回陝省一節據松筠札稱係該督移咨令

恒瑞回陝現有咨文可據惟恒瑞前在湖北會

經得受餽遺到陝西後難保無此等情弊且慶

成現已供認恐恒瑞在陝亦必有收受賞需之

事_臣等一面嚴加訪察一面移咨松筠嚴查得

有實據卽行叅奏_臣那彥成斷不敢瞻徇親情

自取重戾再_臣等到關口軍營傳

旨將明亮與肇革職拏問俟前抵漢中境內卽解交

松筠與永保質審其明亮上年在青陽驛逗遛

一節亦移咨松筠審訊至殲斃張漢潮係本月

初三日綸布春帶兵追擊明亮與肇兩路官兵
尙非遠在數百里外攘功入奏是日張漢潮已
被鄉勇臨陣戮死初四日辰刻經湖南官兵搜
獲屍身割取首級呈驗詢之各將弁所言均屬
相符前奏稱該犯自縊係據探報之詞致有歧
悞至賊目李潮奸狡異常所供情願往招餘黨
不過藉延殘喘於事無益已遵

旨將該犯在鎮安縣凌遲示衆

台布又奏言查陝省南山跨越西安鳳翔興安

漢中商州四府一州南北入百餘里東西一千

七百餘里從前本無居民自乾隆三十三年以

後始有湖廣游民潛入山內砍樹搭棚私墾山

地嗣遂日聚日多凡遇稍覺平坦之地或三四

家或五六家至二三十家遍種包穀度日近澗

處所間有稻田不及十分之一此二千餘里內
分管山面共計三十餘廳州縣其實山內設治
者祇有商州所屬及孝義五郎二廳雖商州本
有遊擊地廣兵單其孝義迤西千餘里並無營

汛臣台布與那彥成統兵進山察看地勢互相

商酌必須於五郎添設重鎮其餘如子午峪黑
水峪斜峪等隘口分設小營以資控制而山內

團練鄉勇^臣等到處俱各站隊迎接甚覺可觀

一有賊匪奔竄之信伊等卽自行傳遞持械而
出一呼而集因其熟悉路徑所以得信較速現

在張逆餘黨^臣等分撥將弁四面兜截凡老林

地方均令鄉勇防守俱屬踴躍此項鄉勇本係

無賴之徒羣聚一處指日大功告竣若一概散

遣恐乏生計難保不別生事端莫若編令入伍

充當新鎮營兵轉有管束擬請於五郎添設總
兵一員卽將現團鄉勇編入新設各營不特陝
境永就肅清設川省各股間或竄入亦毋庸另
派征兵其費可減三分之二今於剿辦賊匪之
時築寨打堡之便預留籌建衙署兵房地步帶
辦善後章程洵爲一舉兩得適奉

聖諭諄諄教導以安插難民彈壓地方令仿明代原

傑經理鄖陽綏輯流民之遺意而小用之臣心

益得有把握惟當與督臣松筠悉心妥協籌辦

務期久安長治不肯稍存畏難惜費之見且查

南山以內除老林谿澗之外陡崖峭坡無不種

植各有業主雖未能如明代鄖陽之全係曠土

然陝匪現已無多川省各股卽使盡行投出亦

未及明代流民十分之一更屬易於安插既有

恒產必有恒心將來老林樹木砍盡官署兵房
廬舍之後其地畝卽可酌量辦理因利乘便無
過於此前蒙撥發餉銀一百萬兩爲一切善後
之用臣惟當加意撙節核實妥辦凡事關久遠
者需費雖多必不稍靳事非緊要者需用雖少
決不虛糜總冀一勞永逸至於設立縣治必須
揀擇寬平之所建造城垣學宮倉庫監獄等項

方符規制非如營分僅需兵房不妨隨地高下
者可比查南山內實無其地卽酌設廳署非同
知則通判仍須兼設佐雜一二員每年養廉俸
工役食亦覺稍費臣擬於設營之地酌添縣丞
巡檢等官駐紮分防幫同武職稽查匪類並管
理民間詞訟亦自周密均奏入

上命軍機大臣傳諭那彥成台布曰此次張漢潮餘

匪分爲三股由西南折而東北經那彥成等分派
鎮將趕緊逼剿其前兩股賊匪竄上秦嶺後股賊
匪經綸布春奮力攻擊賊勢敗退追殺三十餘里
殲斃一百餘名所辦俱好此時賊蹤欲由號川竄
赴棧道恒瑞綸布春兩路官兵分投追殺而那彥
成台布亦卽趨赴留壩策應合力兜剿若能一鼓
殲淨固屬甚善倘賊匪被追緊急竄往川境那彥

成係特派剿賊之人應親督鎮將緊躡賊蹤赴川
剿辦台布有守土之責當在陝省邊界各要隘地
方實力堵禦勿令賊匪折回不必與那彥成等同
赴川境至所稱向來帶兵大員各爲一路不相關
照並不互爲援應所論切中從前軍營積弊三年
以來皆係如此以致賊匪乘隙竄逃官兵日事奔
馳不能遇賊今那彥成等相機指派令帶兵各員

彼此知會聲息相通所辦甚是卽所稱綸布春等
奮勇殺賊不似從前虛報功級之處自屬可信但
閱所敘情節那彥成台布尙未遇賊接仗此次帶
兵前赴五郎未免稍遲而於軍務籌辦情形又未
及早馳奏自前月十四日奏到籌辦張逆逃竄各
摺迄今已隔兩旬方有此報朕厯念軍情昕夕懸
盼那彥成寧不知之而何以遲遲若此耶剿辦教

匪之事已逾三載朕仰荷

皇考付託之重力加整飭明示恩威無如帶兵大員等
積玩成疲日久尙未葺事旣不能於

皇考大事百日之內迅速奏功又不能於奉移
山陵之前殄平賊匪敬告

几筵明年正月朔日朕卽起程恭詣

裕陵於初三日致祭行週年禮彼時那彥成卽未能將

賊匪悉數蕩平亦必當於年內將大局辦定止剩
一二零星小股則剿賊之功已屆垂成庶可仰慰
皇考在天之靈否則朕有何顏展謁

山陵乎垂淚論此諒諸臣心非木石必能感動但此時
距正月朔日僅有月餘爲時已迫朕因軍務未竣
寸心焦切寢食不遑各路帶兵大員等不能仰體
朕意上緊剿賊是以特令那彥成前往剿辦倘那

彥成尚不能剋期辦竣朕更當簡派何人豈有么
麼草竊必待朕親征之理乎又據奏請照從前西
路軍營章程給發官兵糧單沿途應付以杜糧員
冒濫等弊此事前既行之有效自可仿照辦理總
期兵皆足食糧不虛糜方爲妥善至恒瑞並不窮
追藍號賊匪係接松筠知會令其回陝此松筠調
度失當尙非恒瑞之咎又賊日李潮招出餘黨之

語不過藉延殘喘現將該犯凌遲示衆自當如此
辦理再台布奏請於五郎添設總兵子午等峪緊
要隘口分設小營并將鄉勇編令入伍各條款所
見皆是此應歸入善後事宜辦理者台布當與松
筠熟籌妥辦以期控制得宜俾地方永臻寧謐

上又命軍機大臣傳諭松筠曰據那彥成查奏前次
恒瑞並不窮追藍號賊匪係接松筠知會令其回

陝藍號之賊本係恒瑞專辦節經官兵截剿所剩
無多若恒瑞乘勝追擊早經殲淨乃松筠轉令恒
瑞回陝協剿張漢潮棄垂成之近功辦未定之遠

賊以致藍號匪徒竄入川境至今尙未殄滅非恒
瑞之有心避賊實松筠之調度失宜松筠着傳旨
申飭又據那彥成等奏查訊明亮等前奏三路圍

住張漢潮訊據千總吳浩等稱彼時所派三路官

兵係屬堵截追剿並非嚴密兜圍殺賊數目亦屬
增多是明亮等奏報不實已可概見其在野雞溝
達家莊打仗情形雖吳浩等所稱與明亮等前奏
大端尙屬符合但伊等俱係跟隨明亮等軍營員
弁其言未足憑信着松筠確切查訊不可稍有含
混至明亮帶兵剿賊遷延日久於奏報軍情有含
欺飾而在湖北軍營又有得受餽送之事其罪甚

重是以將明亮革職拏問交松筠嚴行審辦此時
松筠惟當遵照節次諭旨內指出各款按律定擬

至明亮屢經行陣如剿辦苗匪及湖北孝感之賊

曾有功績卽此次殲斃張漢潮亦與有微勞朕斷

不肯泯沒其功但功罪權衡朕自有裁度松筠審

辦此案惟當科斷其罪不得聲敘其功致滋牽混

又恒瑞前在湖北曾經得屢次餽遺到陝後亦必有

染指之處松筠更當據實叅辦再明亮興肇慶成
永保等交與松筠審辦已有多日何以尙未定擬
具奏殊覺疲玩該督務宜逐加研訊究得確情卽
行按律定擬具奏勿再遲延

初七日

辛酉

德楞泰奏言竊堰口一帶賊匪竄向

南面老林恐其繞出江岸當令王文雄慶成分

駐堰口等處嚴行防堵

臣

帶兵由柳樹店麻柳

灣司渡河沿江上游過其竄出江岸之路隨據
探報唐大信樊人傑龍紹周等逆知我兵沿江

防截聲勢聯絡卽由龍池場簡池壩一帶向川

省之通江南江地界逸去又據探報川省太平

山內賊股較衆而西鄉之五塊石大小星子山

等處賊匪亦多自應取道西鄉先將陝境肅清

再赴太平剿辦並面晤額勒登保會商剿賊事

宜當由司渡河移營向西鄉進發甫行十餘里

途次接據探報巴山老林並舊司河大壩關一

帶有賊匪數股屯踞其勢似欲北竄臣卽撤回

由五間房催兵前進行抵鍾家溝見有賊匪五

六千人從大壩關而來一見官兵趕到卽由鍾

家溝左之大安邦羅家壩奔逃係通褒城黃官

嶺之路因令賽沖阿富僧德等帶兵由舊司河

直趨大安邦令阿穆勒塔達勒精阿等帶兵由

沙帽寨七盤子直趨大壩關

臣

督率溫春車森

保等帶兵由左邊尖梁子抄出羅家壩迎頭截

住免致西竄是日官兵分投兜剿斃賊八九十

名生擒劉文士等三十七名該逆等被剿情急

卽向大安邦撲過牧馬河官兵緊跟追殺賊匪

愈形慌亂過河淹斃數十名匪衆屯踞大爺廟

出巢復敢恃衆抗拒我兵奮勇剿殺鎗箭如雨
一齊搶上殲賊二百餘名內有一賊自稱張士
虎手持長矛力敵極爲兇悍被我兵亂箭射斃
割取首級衆見此賊已死不敢抵拒紛紛竄入
巴山老林擁擠滾跌死者數十名官兵乘勝追
殺又斃賊一百四五十名生擒傳教首逆劉學
仁卽劉二掌櫃並匪犯羅德新楊劉氏等男婦

二百二十五名口搶獲騾馬旗幟鎗矛甚多時

王文雄慶成亦帶兵及撒拉爾回兵由東而來

沿途又截殺賊匪四五十名生擒數名天色已

晚老林深邃未便窮追當提獲犯逐加研審據

劉學仁供稱係河南新野縣人人都呼二掌櫃

我傳徒弟張士龍張士虎我與齊王氏姚之富

王廷詔高均德張添倫都是同時起事張添倫

王廷詔王添成宋蹙子前由堰口到平利紫陽
要想回川衆人因無可掠食又繞到西鄉龍池
場與龍紹周等商量要乘空走柳樹店司渡河
渡過漢江如司渡河有兵就走羅家壩到黃官
嶺一帶過去今日張添倫張士龍張士虎王廷
詔王添成等先來還有龍紹周樊人傑唐大信
宋蹙子張金魁率領王三槐餘黨在彼聽信當

將張士虎首級令其認識據供屬實復令所獲
各犯指認據陳鵬萬所供張士虎服色面貌與
打仗時所見無異但恐尚有不實現在高均德

等已解送漢中

臣

卽派弁將劉學仁陳鵬萬二

犯並張士虎首級解交松筠再加辨認此外從

賊焚掠者檄予駢誅其被裹難民給予路粟盤

費令其散歸再首逆高均德應押解進京

臣

見

派侍衛車森保叅將伯明帶同弁兵前赴漢中
並知會松筠添派文員協同護解奏入

上命軍機大臣傳諭德楞泰曰此次德楞泰由司渡
河移營西鄉探知賊匪在巴山老林及大爺廟一
帶屯聚德楞泰卽督率將弁分路進剿共殺賊四
百餘名將首逆張士虎殲斃生擒教首劉學仁使
賊匪等不敢北竄偷渡漢江打仗甚爲出力但據

獲賊供稱張添倫張士龍王廷詔王添成龍紹周
樊人傑唐大信宋鑿子張金魁等股賊匪欲由司
渡河及黃官嶺一帶奔竄德楞泰務當截其去路
勿令偷渡漢江並乘此勝勢趕緊截擊將著名首
逆一一殲除擒一賊首必須將餘黨概行殄滅方
可謂肅清一股不可因首逆已擒置餘黨於不問
以致四散竄逃別滋勾結此爲最要德楞泰久歷

戎行現爲叅贊尤應倍加奮勉務於年內將以上
指出各股首逆餘匪一律蕩平俟陝省邊界肅清
再赴四川太平一帶與額勒登保剿辦川匪迅速
歲功再王廷詔一犯爲湖北首逆近來軍營奏報
久未敘及該犯姓名今摺內稱現與張添倫等同
鞫又從何處前來竄合並着查明附奏

同日魁倫奏言查現在賊匪情形自額勒登保

殲斃阮正澆後近日明亮復將張漢潮殲戮生

擒李潮德楞泰亦將高均德高成傑等擒獲均

係著名逆首旬日之內以次殲除事機極爲順

利且張漢潮旣經剿滅陝省官兵卽可全數入

川會剿各股賊匪當大兵雲集之際糧餉最關

緊要臣查太平縣一路爲川陝交界歧路叢雜

屢經賊匪往來奔竄該處運道前此間有梗阻

臣

現已設法疏通安置臺站雇備夫騾並派令
建昌道劉清前往總理催辦該員熟悉地方民
情愛戴於督趨挽運之事必能經理妥協至福
寧經理糧餉現雖未能查出弊竇確據而於部
撥餉銀及陝省解還川餉均有短平之處含混
未奏遵

旨將福寧革去副都統職銜並將所指各情節向其

旨深明白開導據福寧供稱我蒙

聖恩高厚厯任督撫前在湖北剿辦賊匪歲事遲延
僅予革職不加重罪仍

賞給副都統職銜今在川省督辦糧餉今又種種辦
理不善只求奏明將我從重治罪懇將供詞並
抄錄各案一併代爲呈

覽臣復再三詰問福寧堅供如前此時廣興已入川

境計數日內可至達州臣俟其到後卽會同將

福寧經手各款確切詳查有無侵蝕之處再行

核辦

魁倫又奏言竊臣密訪瀘州知州曹庠業聲名

平常素爲勒保優待前委署夔州守印務總理

所屬之奉節巫山大寧三縣軍需糧餉迨新任

知府言朝標業已到任仍令曹庠業在彼協辦

該府糧餉臣甫抵達州卽接到曹庠業告病來

稟恐因臣來川查辦軍需事件有藉病規避情

事因飭該府言朝標就近訪查曹庠業在任有

無劣蹟茲據該府稟稱曹庠業經手支發各屬

餉項共銀一十八萬餘兩內有本年六月內達

局撥到四萬兩原發係九八五平曹庠業僅發

九四八平每百尅扣銀三兩七錢共扣銀一千

四百八十兩其餘局發原平亦間有不敷曹庠

業俱照原平支放經該府面詢署奉節令徐人

椿署巫山令徐士林大寧令鍾蓮經手之家人

吳陞等衆口一詞似屬確鑿又據稟稱曹庠業

因勒保相待稍優曾兩遣家人毛陞進省向勒

保家眷署內送禮第一次送過食物綢緞第二

次送過食物及銀一千兩僅收食物綢緞銀兩

均經發還此係向曹庠業薦來之長隨俞陞等
詢知又曹庠業染患風痰病症聲音低啞各等

情臣查軍需項下絲毫皆關

國帑豈容支發之際任意剋扣侵肥曹庠業既用

九四八平發銀每百扣銀三兩七錢其經手餉

項共有十八萬餘兩之多想短扣必不止六月

一次且六月所領餉銀四萬兩係由達州局撥

發^臣 抵達州日卽詢問向辦章程據該局員等

稟稱撥發銀兩先經奏明按例照扣平餘銀一
千兩餘皆足平給發今用九八五平撥發是於
每百扣銀一兩之外多扣五錢顯係該局員等
侵蝕分肥達州一局如此則保寧成都二局亦
不免效尤曹庠業承領轉發所屬之三縣如此
則各路糧員及州縣所發糧餉更難保無侵扣

情弊

臣

一面密委候補同知田文煦等將曹庠

業押解達州聽候究訊一面札行言朝標將稟

內所指家人長隨吳陞等一併解達候質並飭

奉節巫山大寧等三縣將各員名下所領銀數

若干短少若干及前此節次所領餉銀有無短

扣平色之處據實稟覆達州總理局務係永寧

道石作瑞

臣

近在同城應請將該員革職拏問

此時廣興已行抵寶雞計月內可至達州應俟
廣興到後傳

旨將石作瑞曹庠業革職鎖拏發交廣興現帶來川

道府嚴行看守並接辦局務臣親提石作瑞曹

庠業等細心研究節年所用軍需銀兩可以從

此得其浮冒侵漁實數至曹庠業因勒保優待

曾經兩遣家人向省署送禮雖據言朝標轉據

曹庠業所薦之長隨供稱僅收食物其綢緞銀兩均經發還但曹庠業既爲勒保優待之人向其送禮必不止於兩次亦必不僅收食物顯有夤緣賄結情事該長隨之言豈足憑信臣已飭

該同知田文煦等將曹庠業經手得用之家人一併拏解歸案嚴行究訊務得確情再曹庠業石作瑞二人革審後如得有剋扣餉銀實供卽

星派文武幹員分赴該員寓處及任所將一切
貨物嚴密查封至福寧總理糧餉勒保身任經
畧於該局員及各路糧員有尅扣短平情弊豈
竟漫無稽察其中恐有授意通同作弊之處

臣

擬就此可以研鞫得實倘該二員供詞有與福
寧勒保干涉卽另行據實補叅

魁倫又奏言查晉省所解餉銀分爲四起行走

臣
抵達州後卽檄飭該省解員將頭二兩起銀

二十萬兩解赴達州局三四兩起銀二十萬兩

分撥銀八萬兩解赴達州局以七萬兩解赴保

寧局以五萬兩解赴省局隨據晉省委員將頭

二兩起銀二十萬兩解到臣督同局員並晉省

原解官眼同按鞘開驗均係元寶隨用砝碼彈

兌除收足庫平二十萬兩外計長平銀二千八

十一兩零並據管理保寧局道府吉陞保德福

稟稱解到三四兩起晉餉該道等眼同解員開

鞘俱係元寶逐一彈兌除收足庫平銀七萬兩

外計長平銀七百三十五兩零又據管理省局

藩司林儁詳稱晉省委員解到餉銀五萬兩當

委知府趙秉淵等眼同解員開鞘俱係元寶逐一

一彈兌除足庫平五萬兩外計長平銀五百五

十六兩零又臣續收晉省解來餉銀八萬兩仍

前督同局員彈兌除足庫平八萬兩外計長平銀八百八兩零以上三局共收晉餉四十萬兩

統計長平銀四千一百五十二兩零臣隨通飭

各局卽將所餘銀兩收入正項支用均奏入

上命軍機大臣傳諭魁倫曰福寧經手軍需本係接辦之員前次係宜綿英善辦理彼時承辦者係承

勲李憲宜二員現在雖已身故但伊手下必有分

管之府州縣各員魁倫卽當查明確係何員傳到

詳加開導以當日一切軍需皆係承勲李憲宜經

理現在俱已物故卽有弊端皆係伊二人之罪爾

等不過隨同經手之人聽其指使惟當將當日一

切底賬據實呈出所有罪名與爾等無涉向其明

白宣示俟呈出底賬逐一查核有無冒濫餽送等

情卽可究辦得實至福寧平日性本刻覈軍營人

皆抱怨現據查明尙無侵肥欸蹟似屬可信其咎

祇在未將節次短平緣由具奏尙無大過也至叅

奏道員石作瑞知州曹庠業所發軍需有扣平情

事着將該二員革職交與魁倫審訊其家產自當

一併查封石作瑞居官聲名本屬平常曹庠業旣

係勒保優待之人據伊家人供稱曾餽送勒保家

眷綢緞銀兩並未收受殊不足信魁倫惟當切實
訊問如有干涉勒保之處卽補行叅奏至晉省解
到餉銀四十萬兩經魁倫委員平兌共長平銀四
千一百五十兩零所辦實心公正可嘉現在辦理
軍需剔除諸弊不特收銀不敢舞弊卽發銀之人
亦不敢絲毫短少現又續撥二百萬兩魁倫當事
事核實樽節支用其石作瑞所遺永寧道員缺並

着魁倫即於四川分發道員內揀選奏補員外郎

亦不道絲毫少與及轉辦並百餘兩銀兩

軍需隊領兩項不許取用亦不道轉辦

于坦譯定午兩要河灘實心交阻百餘里

陸路最四十餘兩銀兩交員平發共計平撥

后所取餘于未辦如之實而餘為余發

卷臨無餘可並未及交亦不道轉辦